

六
典
通
考

六典通考卷八十五

湖西間鎮珩輯

荒政考

歷代荒政

大司徒二曰薄征

輕租稅也

大荒則令邦國薄征 均人凶札

則無財賦不收地守地職

無財賦恤其乏困也財賦九賦也不收山澤及地稅

漢文帝二年民貸種食未入入未備者皆赦之十二年詔曰

歲一不登民有饑色

登成也

是從事焉尙寡而吏未加務也

從事

從農事也

且吾農民甚苦而吏莫之省將何以勸焉其賜農民今

年租稅之半景帝後二年詔曰朕省繇賦

繇讀日儒

欲天下務農

蠶素有畜積以備災害彊毋攘弱眾毋暴寡老者以壽終幼

孤得遂長今歲或不登民食頗寡其咎安在或詐僞爲吏詐謂

自稱

吏以貨賂爲市漁奪百姓侵牟萬民縣丞長吏也好法

與盜盜甚無謂也

與盜盜者其盜爲盜耳

其令二千石各修其職元鳳

二年詔曰朕聞百姓未贍前年減漕三百萬石

減省轉漕頗以休力役頗

省乘輿馬及苑馬以補邊郡三輔傳馬

驛馬也

其令郡國毋飲

今年馬口錢

往年有馬口出飲錢今省馬端臨曰三代貢助徵之法往往隨時隨地爲之權衡未嘗立爲一

定不易之制當時之民亦秉義以事其上所謂雨我公田遂及我私私田稼不善則非吏公田稼不善則非農則不至如後世徇私忘公而徵幸其我獨至于田賦之外未嘗他取于民雖有耕補斂助之制未聞責償也春秋時始有廩舍已責家量貸而公量收之說秦漢而下賦稅之額始定而民不敢適額內之租征斂之名始多而官復有稅外之取故上之人不容不視時之豐歉民之貧富

本始三年郡國傷旱甚者毋

而時有貸之令亦其勢然也出租賦四年詔被地震壞敗甚者勿收租賦元康二年令郡

國被災甚者毋出今年租賦初元元年令郡國被災害甚者
毋出租賦二年郡國被地動災甚者毋出租賦建始元年郡
國被災害什四以上毋收田租鴻嘉四年郡國被災害什四
以上民貲不滿三萬勿出租賦河平四年詔諸逋租賦所屬
貸勿收哀帝卽位令水所傷縣邑及他郡國災害什四以上
民貲不滿十萬皆無出租賦元始二年天下被災之郡不滿
十萬勿租稅

後漢章帝元年詔以大旱勿收兗豫徐州田租永元四年詔
郡國秋稼爲旱蝗所傷其什四以上勿收田租芻藁有不滿
者以實除之六年詔流民所過郡國皆實稟之其有販賣者
勿出租稅又欲就賤還歸者復一歲田租九年蝗旱詔今年

秋稼爲蝗蟲所傷皆勿收租更芻蕘若有所損失以實除之
餘當收租者亦半入十三年詔曰荊州比歲不節今茲淫水
爲害餘雖頗登而多不均浹其令天下半入今年田租芻蕘
有宜以實除者如故事貧民假種食皆勿收責十四年詔究
豫荊州今年水雨淫過多傷農功其令被害什四以上皆半
入田租芻蕘不滿者以實除之十六年詔天下皆半入今年
田租芻蕘其被災害者以實除之貧民受貸種糧及田租芻
蕘皆勿收責延平元年勅司隸校尉部刺史各實覈所傷爲
除田租芻蕘永初四年詔以三輔比遭寇亂人庶流冗除三
年通租七年詔郡國被蝗傷稼十五以上勿收今年田租不
滿者以實除之建光元年秋京師及郡國二十九雨水詔除

今年田租其被災甚者勿收口賦又詔京師及郡國被雨水傷稼者隨頃畝減田租永建元年詔以疫癘水潦令人半輸今年田租傷害什四以上勿收責不滿者以實除之六年詔曰連年災潦冀部尤甚比蠲除實傷贍恤窮匱而百姓猶有棄業流亡不絕疑郡縣用心怠惰恩澤不宜其令冀部勿收今年田租芻藥陽嘉元年詔冀州尤貧民勿收田租口賦建和元年詔災害所傷什四以上勿收田租其不滿者以實除之延熹九年詔曰比歲不登人多飢窮又有水旱疾疫之困盜賊徵發南州尤甚其令大司農絕今歲調度追求及前年所調未畢者勿復收責其災旱盜賊之郡勿收租餘郡悉半入熹平四年令郡國遇災者減田租之半其傷害什四以上

勿收責

晉太康三年詔四方水旱甚者無出田租四年兗州大水復其田租五年任城梁國中山雨雹傷秋稼減天下戶課三分之一六年以比歲不登免租貸宿負甯康二年詔三吳義興晉陵及會稽遭水之縣尤甚者全除一年租布其次聽除半年受振貸者卽以賜之太元四年郡縣遭水旱者減租稅五年以比歲荒儉以前逋租宿債皆蠲除之

宋元嘉十二年原遭水郡諸逋負二十一年天下諸逋債一切原除去歲失收者量申減大明五年詔南徐兗三州去歲水潦民多困窶逋租未入者可申至秋登昇明二年蠲雍州緣沔諸民被水災者租布三年

齊建元元年詔二吳義興三郡遭水減今年田租四年詔吳義興遭水縣蠲除租調永明五年詔今夏雨水吳興義興二郡田農多傷詳蠲租調七年原雍州逋租八年詔雍州司州逋租悉原十月原建元以前逋租十一年詔曰水旱成災穀稼傷弊凡三調眾逋可同申至秋登建武二年詔吳晉陵二郡失稔之鄉蠲三調有差

梁天監二年六月詔以東陽信安豐三縣水潦漂損居民資業量蠲課調大同四年詔南兗北徐西徐東徐青冀南北青武仁潼睢等十二州飢饉曲赦逋租宿責勿收今年三調

陳太建六年詔去歲南州失稔所督田租于今未卽豫章等六郡太建五年田租可申半至秋豫章又逋太建四年檢首

田租亦申至秋南康一郡嶺下應接民間尤弊太建四年田租未入者可特原除

後魏泰常三年以范陽去年大水復租稅雁門河內大雨水復租稅和平四年定相二州霽霜殺稼免民田租延興三年州鎮十一水旱丐人田租太和六年詔去秋淫雨洪水爲災百姓嗷然朕用嗟愍故遣使者循方賑恤而牧守不思利民之道期于取辦愛毛反裘甚無謂也今督課未入及將來租算一以丐之十年汝南潁川飢詔丐田租

北齊天保八年詔今年遭蝗之處免租九年詔去年蝨澇損田兼春夏少雨苗稼薄者免今年租賦河清三年詔遣十二使巡行水潦州免其租調天統五年詔使巡省河北諸州境

內偏旱者優免租調

周閔帝元年詔曰浙州去歲不登厥民飢饉其當州租輸未畢者悉免之

隋開皇六年關內七州旱免其賦稅

唐武德二年制凡水旱蟲霜爲災十分損四分以上免租損六分以上免租調損七分以上課役俱免貞觀元年夏山東旱免租永隆二年詔雍岐華同民戶宜免兩年地稅河南河北遭水處一年上元二年敕雍岐同華隴等州給復一年自餘諸州咸亨年遭旱澇蟲傷雖經豐稔家產未復宜更免一年租開元三年詔曰山東邑郡歷年不稔今者風雨咸若京坻可望若貸糧地稅庸調正租一時併徵必無辦法河北諸

州宜委州縣長官勘責灼然不能支濟者稅租且于本州納不須徵待至春中更別處分有貸糧迴漕等亦量事減徵五年免河南北蝗水州今歲租八年免水旱州逋負十三年詔曰頻年不稔逋租頗多言念貧人將何以濟自開元十二年閏十二月以前所納懸欠地稅宜放免十五年詔曰河南河北諸州去年緣遭水澇雖頻加賑貸而恐未小康若非寬惠不免艱辛其貸糧麥種穀子迴轉變造諸色欠負等並放候豐年以漸徵納蠶麥事畢及至秋收後並委刺史縣令專句當各令貯積勿使妄有費用二十年河南道宋滑兗鄆等州大水傷禾稼特放今年地稅二十二年敕聞京畿及關輔有損田百姓等屬頻年不稔久乏糧儲雖今歲薄收未免辛苦

宜從省蠲勿用虛弊至如州縣不急之務差科徭役並積久
欠負等一切並停其今年租八等已下特宜放免地稅受田
一頃已下者亦宜放免大厯四年詔曰比屬秋霖頗傷苗稼
百姓種麥其數非多其大厯五年夏麥所稅特宜與減常年
稅又敕淮南數州獨罹災患秋夏無雨田萊卒荒閭閻艱食
百價皆震其準上今年租庸地稅旨支米等三分放二分十
二年詔巴蓬渠集壁克通開等州放二年租庸及諸色徵科
亦蠲免貞元八年敕諸道州府水損田苗及五六分者今年
稅米及諸色官田租並減放一半損七分以上全放十二年
京畿旱放租稅十四年詔曰累經水旱或有流庸積成逋懸
寢以凋瘵其諸道州府應欠負兩稅及榷酒錢總五百六十

萬七千餘貫在百姓腹內一切並免如已徵得在官者令所

司具條疏聞

權德輿上陳闕政曰臣聞銷天災者修政術感人心者流惠澤和氣洽則祥應至矣畿甸之內

大率赤立轉徙之人斃路道慮種麥時不得下宜詔所在裁畱經用以種貸民今稅租賦及宿逋遠貸一切蠲除十四年夏旱吏趣常賦至縣令爲民

酸辱者不可不察帝頗採用之二十年詔曰去夏迄秋頗愆

時雨京畿諸縣稼穡不登其租逋宿貸六十五萬貫石宜蠲

除元和二年制淮南江南去年以來水旱疾疫其租稅節級

蠲放又制浙江西道水旱相仍蠲放去年兩稅上供三十四

萬餘貫四年制曰近者江淮之間水旱作沴其諸道應遭水

旱所損州府合放兩稅錢米等損四分已下宜準式處分四

分已上者並準放免

上以久旱欲降德音翰林學士李絳與白居易上言以爲欲令實惠及人無如

減其租稅又請禁諸道橫徵以充進奉

六年敕泗州二年水旱所損不虛所欠

元和五年錢米並放免又敕畿內百姓秋稼旱損農收不登
村閭之間尙慮乏食其粟及大豆除已徵納外見在百姓腹
內者令全放青苗錢久在百姓腹內者量放一半七年敕比
者田穀致損芻糲隨人今已過時益難濟辦其職田草一百
一十五萬束並宜放免又有常賦錢穀蠲放之餘貧弊者多
慮難輸其京兆府欠去年兩稅青苗等錢二萬一千八百貫
欠秋租雜斛斗及職田粟五萬三千三百石並放免元和九
年春振貸京畿百姓義倉粟二十四萬石亦放免

上謂宰相

言淮浙去歲水旱近有御史自彼還言不至爲災事竟何如

李絳對曰臣按淮南浙東浙西奏狀皆云水旱人多流亡求

設法招撫其意似恐朝廷罪之者豈有無災而

九年詔以歲

妄言有災耶上曰卿言是也命速蠲其租稅

飢放關內元和八年以前逋租錢粟又以旱免京畿夏稅十

三萬石青苗錢五萬貫

京兆府奏聖慈憂軫疲氓屢蠲逋賦將行久遠實在均平有依倚權豪因

循觀望忽逢恩貸全免徵徭至於孤弱貧人里胥敦迫反共輸納不敢稽違亦有奸猾之輩僥倖爲心時雨稍愆已生覲望競相誘扇因至逋懸若無綱條實恐滋弊自今後忽違不稔或有恩蕩伏請每貫每石內分數放免輸納已畢者准數折免來年租稅從之

諸州府亦准此處分十一年四月制曰頃自春及夏時澤未

降其京畿百姓所有積欠兩稅及青苗並折糴折納斛斛稅

草等除在官典所由腹內者並放免穆宗卽位京兆府上言

興平醴泉縣雹傷夏苗請免其租宋州奏雨水敗田稼六千

頃請免今年租並從之太和三年京兆上言奉先富平美原

雲陽華原三原同官渭南等八縣旱雹損田稼三千三百四

十頃有詔蠲免四年詔許州遭水損百姓等量放今年租又

詔潤和兩州水漂溺人戶全放今年秋稅錢米其浙西浙東

宣歙鄂岳江西鄜坊山南東道並委所在長吏據淹漂蟲螟
所損節級矜減其京兆河南府所損縣卽據頃畝依常例檢
覈分數蠲減五年京兆府上言奉先渭南縣風電大雨害稼
請蠲免其租可之八年詔江淮浙西等道仍歲水潦田苗全
損處全放青苗錢餘亦量議蠲減開成元年詔河中同州絳
州去年旱歉賦歛不登宜特放免今年青苗錢二年詔諸州
遭水旱處並蠲租稅三年詔去秋蝗蟲害稼處放逋賦大中
四年以雨霖詔蠲度支鹽鐵戶部逋負九年詔應揚潤廬壽
滁和宣楚濠泗光宿等州舊欠逃移後闕額錢物均攤見在
人戶頻年災荒無可徵納宜特放三年或先因水旱賑貸欠
常平義倉斛斗若終不可徵收亦宜放免或今年合徵兩稅

錢物量百姓疾疫處各準分數于上供畱州畱使三色錢內均攤放免或收管諸色逋懸錢物等年月深遠宜委有司速勘會了絕蠲放其濠泗宿三州大中六年以前所在逋懸亦宜放免咸通二年鄭滑節度使李福奏去年夏大雨沈邱汝陰潁上等縣田稼屋宇淹沒皆盡乞蠲租賦從之十四年免水旱州縣租賦

後唐同光元年詔諸道水旱災沴之鄉苗稼不登征賦宜減應今年雹旱所損田苗處據畝隴蠲免二年詔諸道州縣有經雹水旱之處所損田苗納稅不迫特與蠲放中書奏今秋多有水潦百姓所輸秋稅請特減以慰貧民敕俟來年蠲免四年制去年經水災處逃移人戶差科夏秋兩稅及諸折配

委官吏點檢並與放免天成二年詔岐華登萊自夏稍旱所
損田苗宜令簡實申奏與蠲減稅租仍不得輒有差徭科配
長興四年敕河中同華耀陝青齊淄絳萊等州各申災旱損
田處已令本道判官檢行如保內人戶逃移不得均攤抵納
本戶租稅其稅如闕本色許納諸雜斛筭葛黍元每斗折粟
八升今許納本色稗子特與免稅前件遭旱州府據檢到見
苗祇徵一半稅物仍許于便近州府送納其餘一半放至來
年清泰元年詔三司使奏自長興元年至四年諸道及戶部
營田逋租三十八萬八千六百七十二端匹束貫斤量或頻
經水旱或併值轉輸悉至困窮蹙成逋欠加以連年災沴比
戶流亡殘租空係于簿書計數莫資于經費特議含容且期

均濟應自長興四年已前三京諸道及營田委三司使各下諸州府縣除已納外並放

晉天福二年詔鄭州滎陽縣有蟲食及旱損桑麥處委所司檢覆量與蠲租又勅雒京魏府管內有旱損夏苗縣分五分中減放一分餘四分仍許將諸色斛斛依例折納三年敕河南同州絳州三處逃移人戶所欠累年殘稅並今年夏稅差科及麥苗子沿徵諸色錢物等並放其秋苗據見檢到數放一半又敕蒲同晉絳滑漢魏府鎮定州等或經亢旱或屬兵戈逃移人戶等所欠今年已前諸雜稅物並特除放六年除二年至四年以前稅制曰歲因災沴民用艱辛久係逋懸宜示蠲免應欠天福五年已前夏秋租稅並沿徵諸物及營田

租課並與除放少帝卽位制諸道州府經蝗蟲傷食苗稼者據所損頃畝蠲放賦稅又敕諸州欠天福七年夏稅並與除放秋稅一半餘一半候到蠶麥納逃戶與放一半差徭卻令歸業

馬端臨曰自唐以來取民之制愈重其法愈繁故蠲貸之令愈多或以水旱或以亂離易代則有蠲拓土則有蠲至三歲郊祀之赦亦必有蠲蓋征歛之法本苛逋欠之數日多而桀黠頑獷之徒至有故逋常賦以待蠲而以爲得策則上下胥失之矣

宋初諸州歲歛賦租或縱不取或寡取或倚閭以須豐年乾德二年免諸道今年夏稅之無苗者四年華州旱免租五年免水旱災戶今年租開寶元年詔民田爲霖雨河水壞者免夏稅五年六月詔沿河民田爲水害者有司具聞除租七年秦晉早免蒲陝晉絳同解六州逋賦關西諸州免半雍熙元

年蠲水所及州縣今年租淳化元年吉洪江蘄河陽隴城大水開封陳畱封邱酸棗鄆陵旱賜今年田租之半開封特給復一年京兆長安八縣旱賜今年租十之六乾鄭二州河南壽安等十四縣旱州蠲租十之四縣蠲其稅四年畿縣民田被水者蠲其租五年宋毫陳穎泗壽鄆蔡等州民田被水及種蒔不及者並蠲其租咸平元年以旱免開封二十五州軍田租定州雹傷稼除今年租判三司王欽若上言諸路所督逋負并十保人償納未盡者請蠲放之詔可四年詔東川民田先爲江水所害者除其租大中祥符二年蠲京東徐濟七州水災田租四年詔先蠲濱棣州水災田租十之三今所輸七分更除其半七年除江淮兩浙被災民租九年諸州有隕

霜害稼及水災者除其租天禧四年減水災州縣秋租五年
京東西水災賜民租十之五又蠲京東西淮浙被災民租乾
興元年蠲秀州水災民租天聖元年詔職田遇水旱蠲租如
例三年蠲陝西州軍旱災租賦以襄州水蠲民租四年畿內
京東西淮南河北被水蠲民租五年陝西旱蝗減其民租賦
六年詔免河北水災州軍秋稅七年免河北被水民租賦明
道二年畿內京東西河北河東陝西蝗淮南江東兩川飢除
民租景祐元年免諸路災傷州軍今年夏稅畿內被災民稅
免半荒政考略京東大旱民多飢殍有司以徵賦不完上其
數于朝仁宗諭曰江南歲飢貧民種粟數千萬斛且屢
經停闕而轉運督責不已民食不能自償昨遣使安撫始以
事聞不爾何由上達其悉蠲之又蠲三千三百一十六萬
有司或務聚歛不卽寬除皇祐元年蠲河北復業民租賦二
朝廷知其弊下詔戒飭

年河北水蠲民租四年河北路及鄜州水蠲河北民積年逋
負鄜州民稅役慶曆三年河東飢詔韓琦撫之琦至寬徵徭
免租稅給復一年至和二年以旱除畿內民逋芻及去年秋
逋稅嘉祐元年蠲被災田稅租免畿內京東西河北被水民
賦六年詔淮南江浙水災差官體量蠲稅

康濟錄嘉祐中河北蝗游時鄆州汶

水縣不依敕告示災傷百姓狀訴本州不以時檢視轉運爲
言上曰守宰之官最爲親民有災傷而不爲受理豈有心於
恤民乎自判官知縣司

戶主部罰銅各有差熙甯二年免河北歸業流民夏稅三

年衛州旱蠲租河北陝西旱飢除民租四年詔恩冀等州災
傷蠲其稅十年詔河北涿州縣蠲其稅元豐元年河北被水者
蠲其租四年詔河北東路災傷州軍蠲今年夏料役錢七年
河東飢河北水壞洺州廬舍並蠲稅哲宗元祐元年詔諸路

卑傷獨其租蘇軾上言曰臣所至訪問耆老有職之士皆曰
方今民荷寬政無他疾苦但爲積欠所壓如負千鈞而行免
于僵仆則幸矣何暇舉首奮臂以營求于一飽之外哉今大
姓富家昔日號爲無比戶者皆爲市易所破十無一二矣其
餘自小民以上大率皆有積欠監司督守令守令督吏卒文
符日至其門鞭笞日加其身雖有白圭倚頓亦化爲筆門圭
寶矣自祖宗以來每有赦令必曰凡欠官物無侵則盜用及
雖有侵盜而本家及五保人無家業者並與除放自二聖臨
御每以施舍已責爲先務凡令所催欠負十有六七皆聖恩
所貸而官吏刻薄舞文巧詆監司以催欠爲職業守令上爲
監司之所迫下爲胥吏之所使自非有力之家納賂請求誰

肯舉行恩貸其間貧困掃地無可蠶食者令通指平人蔓延追擾自甲及乙自乙及丙無有窮已每限皆空身到官或三五限得一二百錢謂之破限官之所得至微而胥徒所取蓋無虛日諸路連年水旱上下共知而轉運司官于財用例不肯放稅縱放亦不盡實所以逐縣例皆拖欠兩稅較其所欠與依實檢放無異于官了無所益而官有追擾鞭撻之苦近者詔旨凡積欠皆分爲十料催納通計五年而足聖恩隆厚何以加此而有司以謂有旨倚閣者方待依十料指摺餘皆並催縱使盡依十料吏卒乞覓不肯分料少取人戶既未納足則追擾常在縱分百料與一料同臣自穎移揚州舟過豪壽楚泗等州所至麻麥如雲臣每屏去吏卒親入村落訪問

父老皆有憂色云豐年不如凶年天災流行民雖乏食縮衣節口猶可以生若豐年舉催積欠胥徒在門枷棒在身則人戶求死不得言訖淚下臣亦不覺流涕又所至城邑多有流民官吏皆云以夏麥既熟舉催積欠故流民不敢歸鄉臣竊度之每州催欠吏卒不止五百人以天下言之是常有二十餘萬虎狼散于民間百姓何由安生朝廷仁政何由得成乎

紹聖元年三月詔振京東河北流民蠲是年租稅

初民訴水旱夏以四

月秋以七月荆湖淮南江浙川峽廣南不得過期過期者吏勿受令佐受請卽分行檢視白州縣官覆檢三司定分數蠲稅亦有朝旨特增免數及應輸者許其倚閣京畿則特遣官覆檢其後以覆檢煩擾止遣官就田所閱視卽定蠲數

建炎二年以春霖夏旱蝗詔災甚者蠲田賦紹興六年蠲旱

傷州縣民積欠錢帛租稅寬四川災傷州縣戶帖錢之半

執政

初議倚閣上曰若倚閣州縣因緣
爲姦又復催理授人乃盡蠲之

十三年蠲浙西貧民逋負

丁鹽錢十八年蠲被災下戶積欠租稅二十三年寬理平江
府湖秀二州被水民夏稅潼川被水州縣蠲其賦二十四年
蠲旱傷州縣租稅二十七年詔四川諸司察旱傷州縣蠲其
稅二十八年檢放風水災傷州縣苗稅三省言平江紹興府
秀州被水欲除下戶積欠上曰朕平時不妄費內庫所積正
欲備水旱本是民間錢卻爲民間用何所惜詔並蠲之二十
九年蠲沙田蘆場爲風水侵者租之半又除湖州平江紹興
流民公私逋負及江浙蝗潦州縣租上謂輔臣曰水旱所不
能免儻不寬恤惟務科督豈使民不爲盜之意哉于是詔諸
路州縣紹興二十七年以前積欠官錢三百九十七萬餘緡

及四等以下官欠悉除之九月詔兩浙江東西水浙東江東

西水其租稅盡蠲之隆興元年兩浙大旱蝗江東大水悉蠲

其租二年蠲秀州貧民逋租乾道元年蠲兩淮災傷州縣身

丁錢絹

師點爲臨安府教授對言歷年屢下詔恤民而惠未加決有司搜求惟恐財賦不集租不如期積多逋負

今明堂肆赦戶自四等以下逋自四年以前願悉除免上曰非卿不聞此言詔從之四年印州安仁縣

荒旱失于蠲放飢民擾亂守貳縣令降罷追停有差九年蠲

江西旱傷五州逋負米淳熙元年宰執呈檢放災傷停閣錢

物浙東路自淳熙元年始作三年帶納江東路候豐熟兩年

帶納江西路不曾據州軍報到災傷數上曰既是災傷稅賦

亦無從出可並蠲免如已納與理充一年合輸之數十年詔

江西湖南路累經災傷所有上供米斛逐年已行減放今民

力未蘇第四第五等人戶合給淳熙元年秋苗特與蠲放一半州縣違戾拘催許人戶越訴不得縱容吏人作弊將第三等以下人戶減免令監司覺察劾奏二年宰執進呈江西湖南昨得旨合納秋苗特蠲一半切恐諸郡支遣不足緣此敷擾及民上曰此是特恩又所爭止七八十萬斛可並於上供數內除豁仍禁不得輒有敷擾三年常州旱寬其逋負之半臣僚言屢赦蠲積欠以蘇疲民州縣不能仰體聖意至變易名色以取之宜下諸路漕司如合該除放無得更取仍督逐縣銷豁欠簿榜民通知詔可七年袁州分宜大水蠲其稅池州言檢放旱苗米四萬五千餘石其經總制錢二萬六千餘貫無所從出詔蠲之浙東提舉朱熹言去年水旱相繼朝廷

命檢放秋苗蠲閭夏稅緣起催在前善良畏事者多已輸納其得減放者皆頑猾人戶事件不均望詔將去年贖納數目理作八年蠲豁詔戶部看詳秦蕙田曰災歉之歲蠲閭稅賦在後則良民之急公者多已全完惟頑猾之戶獨需其惠況未徵之額必不如已徵之多而官吏之不肖者乘間恣其漁蠹朱子請以去年贖納之數理作明年蠲豁之數此則百姓被澤者不致偏枯而官吏亦無由滋弊真可爲後世法矣考之續通考所引則淳熙元年八年除淳熙七年諸路旱傷檢已行之非朱子之劾議也

放米一百三十七萬石錢二千六萬緡言者請自今歉歲蠲減經費有虧令戶部據實以聞毋得督趣已蠲閭之數從之是冬蠲諸路旱傷州軍明年身丁錢物九年蠲諸路旱傷州軍逋賦十年詔除災傷州縣欠稅先是戶部尙書魯懷申請妄訴災傷僥倖減免稅租許人告依條斷罪仍沒其田一半

充賞至是江東運副蘇諤奏昨稱災傷止是規免稅租斷罪

給賞已是適中難以拘沒其田從之

朱子戊申封事臣伏見祖宗舊法凡州縣催理

官物已及九分以上謂之破分諸司卽行住催版曹亦置不問由其州縣得其贏餘以相補助貧民些小拖欠亦得遷延以待蠲放昨自曾懷用事始除此法盡刷州縣舊欠以爲隱漏悉行拘催于是民間稅物毫分銖兩盡要登足懷以此進身遂取宰相而生靈受害冤痛日深若不早救必爲深害

十一年三月以上津洵陽旱蠲

其稅朱熹奏狀曰救荒之政蠲除賑貸固當汲汲于其始而撫存休養尤在謹之于其終竊聞乾道七年之旱夏稅秋苗皆當蒙聖恩矣而流殍甚眾迄今不復者正以次年帶納前科稅物者追之也然考其實所謂帶納者初未嘗大段有人納到以佐有司用度之缺而姦胥猾吏得以並緣騷擾則其害有不可勝言者其後淳熙元年九月四日乃以薦飢始蒙

蠲放則三年之間所失已多而無及于事矣今舊逋未除新
稅將起斯人懷懍已有狼顧之憂臣愚欲望陛下亟詔有司
凡去年被災之郡盡今年毋得催理積年舊欠及將去年倚
閣夏稅悉與蠲放其上二等人戶當此凶年細民所從仰食
其間亦有出粟減價賑糴而不及賞格者欲望聖慈普加恩
施許將去年殘欠夏稅多作料數逐年帶納則當此災旱之

餘無有一夫一婦不被堯舜之澤矣

朱子與星子諸縣議荒政書一檢放之恩著在

令甲請同官當其任者少帶人從嚴切戒約給與糧米錢物
不得縱容需索騷擾又須不憚勞苦逐一親到地頭不可端
坐寬涼去處止據鄉保撰成文字又須檢定分數切不可將
荒作熟亦不可將熟作荒其間或有疑似去處或有用力勤
苦之人甯可分明過加優恤不可縱
令隨行胥吏受其計囑別作情弊

紹熙三年蠲四川水旱

郡縣租賦五年蠲廬州旱傷百姓貸稻種三萬二千一百石

慶元元年蠲臨安府水災貧民賦台嚴湖三州被災民丁絹
三年四川旱詔蠲賦嘉泰四年蠲兩浙闕雨州縣逋租開禧
二年罷旱傷州軍比較租賦一年嘉定元年蠲兩浙闕雨州
縣逋賦三年蠲荒歉諸州民逋負七年江東轉運副使真德
秀乞停閤夏稅蠲放秋苗上疏曰臣聞乾德二年四月詔曰
自春徂夏時雨尙愆深恐黎民失于播殖所宜優卹俾獲
安諸道所催今年夏稅委所在官吏檢視民田無見苗者上
聞並與除放紹興二十八年八月詔諸路轉運速行下州縣
開具實被災傷頃畝數目及合放分數以聞仰惟二聖一心
皆以保全民命爲本故于災傷之歲切切如此夫以四月而
蠲夏稅八月而檢秋苗自常情觀之母乃太早蓋救災卹患

當于民禾甚病之時若待其飢莩流離然後加惠則所全寡

矣今臣所陳二事如蒙聖慈早賜施行公私皆便八年蠲臨

安紹興貧民夏稅九年詔兩浙江東監司嚴州縣被水最甚

者蠲其租紹定二年詔台州水災除民田租及茶鹽酒酤諸

雜稅郡縣抑納者監司察之淳祐十年嚴州水復民田租十

二年嚴衢婺台處上饒建甯南劍邵武大水除今年田租賣

二年詔山陰蕭山諸暨會稽四縣水除今年田租咸淳六

年安吉州水免公田租四萬四千八十石嘉興華亭兩縣水

免公田租五萬一千石民田租四千八百一十石

案景定中賈似道用

陳堯道曹孝慶等之議買民田爲公田公田之租十倍于民

田而民之田弊極矣觀咸淳免租之詔民田止四萬餘石而

公田五萬一千石厚七年諸暨縣湖田水免租三千二百石

欽如是國安得不亡

有奇八年秋雨水溢詔減錢塘仁和民田租什二會稽湖田租什三諸暨湖田盡除之九年沿江制置使所轄四都夏秋旱潦免屯田租二十五萬石十年江東沙圩租米以往年水災減什四三免被水州縣今年田租詔淮西四郡水旱去年屯田未輸之租勿徵

馬端臨曰宋以仁立國蠲租已貴之事視前代爲過之而中興後尤多州郡所上水旱盜賊逃移倚閭錢穀則以詔旨徑直蠲除無歲無之殆不勝書姑撮其普及諸路與所蠲名目頗大者登載于此蓋建炎以來軍興用度不給無名之賦稍多故不得不時時蠲減以寬民力又四川蜀自張魏公屯軍關陝以趙開爲隨軍轉運軍前支使饋餉尤

浩故賦稅茶鹽權酤和買布絹對羅米糧及其他名色錢物錙銖必取率是增羨蜀民頗困事定之後凡無名橫歛不急冗費多從蠲減云

遼應歷三年南京水詔免今歲租統和十二年免南京被水戶租賦十五年免流民稅又免南京逋稅及義倉粟重熙十二年上京歲儉復其民租咸雍四年永清武清安次固安新城歸義容城諸縣水復一歲租七年免南京流民租八年歲飢免武安州租稅太康元年南京飢免租稅一年二年南京路飢免租稅一年又以蝗免明年租稅六年免西京流民租賦一年大安三年南京貧民復其租賦免錦州貧民租二年上州貧民如之四年免上京逋逃及貧戶租賦壽隆六年平

六典通考 卷八十五
州飢復租賦一年

金制民懇水旱應免者河南山東河東大名京兆鳳翔彰德部內支郡夏田四月秋田七月餘路夏以五月秋以八月水田則通以八月爲限遇閏月則展期半月限外懇者不理非時之災則無限損十之八者全免七分免所損之數六分則全徵桑被災不能蠶則免絲綿絹稅諸路雨雪及禾稼收穫之數月以捷步申戶部天會元年詔咸州以南蘇復州以北年穀不登其應輸南京軍糧免之二年東京比歲不登詔減田租市租之半大定三年歲歉詔免二年租稅五年命有司凡罹蝗旱水溢之地蠲其賦稅六年河北山東水免租九年中都等路水免稅又以曹單二州被水尤甚給復一年十二

年以水旱免中都西京南京河北河東山西陝西去年租稅
十四年詔免去年被水旱百姓租稅十六年詔同十七年詔
免河北山東陝西河東西京遼東等十路去年被旱蝗租稅
十八年免中都河北河東山東河南陝西等路前年被災租
稅十九年免去年被水旱民租中都西京河北山東河東陝
西以水旱傷民田十三萬七千七百餘頃詔蠲其租二十年
以中都西京河北山東河東陝西路前歲被災詔免租稅以
戶部尚書曹望之言詔減鄜延及河東南路稅五十二萬餘
石二十一年上謂省臣大興府平灤薊通順等州經水災之
地免今年租稅不罹水災者姑停夏稅俟稔歲徵之中都水
災免租二十六年尚書省奏前年諸路水旱軍民土地二十

一萬餘頃擬免稅四十九萬餘石從之詔今稅考古行之但遇災傷常加蠲免二十七年免中都河北等路被河決水災軍民租稅詔河水泛溢農夫被災者與免差稅一年明昌三年有司言河州災傷民乏食而租稅未輸詔免之上諭尙書省去歲山東河北被災傷處所閤租稅及借貸錢粟俟豐收日以分數察徵泰和四年免旱災州縣徭役及今年夏稅興定二年御史中丞完顏伯嘉奏亳州大水當免租三十萬石而三司官不以實報止免十萬詔治三司官虛妄之舉河南大水詔免租三年令逃戶復業者但輸本租餘苦役皆免能代耕者免如復戶有司擅科者以違制論四年上諭宰臣河南水災唐定鄧尤甚其被災州縣已除其租餘順成之方止

責正供和糴雜徵並停流民佃荒田者如上優免貞祐四年免陝西逃戶租山東省僕散安貞言泗州被災道殣相望所食者草根木皮而邳州戍兵數萬急徵重役悉出三縣官吏酷暴擅括宿藏以應民皆逋竄又別遣進納閑官以相迫督皆怙勢營私實到官者纔十之一而徒使國家有厚歛之名乞命信臣革此弊以安百姓詔從

元災免之制中統元年以各處被災驗實減免科差四年秋旱霜災減大名等路稅糧至元三年東平等處蠶災減其絲料五年益都等路禾損蠲其差稅六年濟南益都懷孟德州淄萊博州曹州真定順德河間濟州東平恩州南京等處桑蠶災傷量免絲料七年南京河南蝗旱減差徭十分之六十

九年減京師民戶科差之半二十年以水旱相仍免江西稅糧十之二二十四年免北京飢民差稅揚州及浙西水其地稅在揚州者全免浙西減二分二十六年紹興水免地稅十之三以禾稼不收免遼陽差稅二十七年大都遼陽被災免其包銀俸鈔以霖雨免河間等路絲料之半興松二州霜免地稅二十八年遼陽被災者稅糧皆免其餘量徵半以太原去歲不登免丁地稅糧杭州水地稅並除之又免州路所貢歲糧二十九年北京地震量減歲課以大都去歲不登免稅糧及包銀俸鈔三十年江浙行省臣言陛下卽位之初詔蠲今歲田租十分之三然江南貧者佃富人之田歲輸其租今所蠲特及田主其佃民輸租如故是恩及富室而不被貧民

宜令佃民輸田主者亦如所蠲之數從之元貞元年水傷苗
稼免咸平府邊民差稅大德三年以旱蝗除揚州淮安兩路
稅糧五年各路被災重者差稅並除六年免大都平灤差稅
御史臺言自大德元年數有星變及風水之災民間乏食今
春霜殺麥秋雨傷稼請禁諸路釀酒減免差役賑濟飢民帝
嘉納命中書議行七年以內郡飢荆湖川蜀供給軍餉其差
稅減免各有差八年以平陽太原地震免差稅三年至大元
年以江南江北水旱民飢其科差夏稅並免二年以腹裏江
淮被災其科差夏稅並免皇慶二年免益都飢民貸糧延祐
二年河南歸德南陽徐邳陳蔡許州荆門襄陽等處水三年
肅州等連歲被災皆免民稅糧天歷元年陝西霜旱免科差

一年鹽官州海潮免秋糧夏稅一年二年關陝旱免差稅三年至順元年河南懷慶旱其門攤課程及逋欠差稅皆免明制凡四方水旱輒免稅豐歲無災擇地瘠民貧者優免之災盡蠲二稅洪武元年令水旱處不拘時限勘實稅糧卽與蠲免二十六年定凡各處水旱災傷所在官司勘明具奏戶部差官往勘將被災人戶該徵糧稅數目造冊繳報本部立案開寫災傷緣由具奏其災傷處有司不奏許耆宿連名申訴有司極刑洪熙元年詔免山東及淮安徐州夏稅秋糧之半時有至自南京者上問所過地方何似對曰淮徐山東民多乏食而有司徵夏稅方急遂召楊士奇等草詔免之士奇曰可令戶部工部與聞上曰救民之窮如救焚拯溺不可

遲疑有司慮國用不足必持不決之意卿姑弗言命書詔畢
遣使齎行左右咸言地方千餘里未必盡無收亦宜分別庶
不濫恩上曰恤民甯過厚爲天下主甯與民寸寸計較耶成
化十九年鳳陽等府被災秋田糧十分減三餘七分除存畱
外起運者每石徵銀二錢五分宏治三年議準災傷應免糧
草全災者免七分九分者免六分八分者免五分七分者免
四分六分者免三分五分者免二分四分者免一分學庵類稿太祖
勘實災盡與蠲免宏治始定爲全災免七分九分災以下免
數一分透減又止免存畱不及起運成化時被災田糧改折
者石止徵二錢五分宏治亦增爲兌運七錢改兌六錢然賴
太祖立法之善十六朝二百七十七年蠲賑免折無歲不有
雖至未造兵革疫癘不廢斯政所以厚斂而民力猶可支重
役而民心猶未去明會典宏治十一年令災傷處所及時委
官踏勘夏災不得過六月終秋災不得過九月終若所司
報不及時風憲官徇情市恩勘有不實者聽戶部參究
嘉

靖十六年題準今後夏秋災傷遵例定擬成災應免分數先存畱次及起運其起運不敷之數聽撫按官通融折納從宜區處不許徵迫小民有孤實惠被災應免錢糧已徵者準作本戶下年該納之數未徵者蠲免四十三年議準淮揚徐州災傷改折嘉靖四十四年應連四十三年分兌運改兌秋糧淮安所屬邳州海州鹽城山陽睢甯五州縣各準三分安東贛榆沐陽宿遷桃源清河六縣及徐州所屬蕭縣各準五分徐州並碭山沛縣豐縣及揚州府所屬興化縣各準六分徵銀解部備放官軍折色支用神宗七年蘇松大水積逋七十餘萬張居正請蠲以安民疏言百姓財力有限卽豐歲所入僅足供當年之數不幸荒歉見年錢糧尙不能辦況累歲之

積逋哉故帶徵一法名爲完舊欠實則減新收今歲之所減
卽爲明歲之拖欠見在所欠又是將來之帶徵況頭緒繁多
年分混雜里胥欺匿官吏侵漁與其敲撲窮民實奸貪之囊
橐孰若蠲與小民使皆戴上之仁哉上從之九年題淮凡遇
重大災傷州縣官親詣勘明申呈撫按巡撫速行奏聞至報
災之期在腹裏地方照舊例夏限五月秋限七月沿邊如延
甯甘肅宣大山西薊密永昌遼東各地方夏災改限七月秋
災改限十月如州縣衛所官申報不實聽撫按參究如巡撫
報災過期或匿災不報巡按勘災不實或奏遲延併聽該科
指名參究十四年水災傷屢見給事中吳之鵬請西北多方
賑濟東南大蠲免略曰景泰四年山東河南江北等處災傷

令在刑囚于缺糧州縣倉納米雜犯死六十石流徒三年四十石以漸而殺考之漢武太始秋募死罪人贖錢五十萬減死罪一等故國不費而民自濟是達權濟變之法前代已有行之者至江南天下財賦所萃霍雨不絕田圩盡沒禾苗淹爛廬舍漂流若不大施蠲不可然臣所謂蠲者不在積逋而在新租不在存留而在起運蓋積逋之蠲姦頑侵欠者獲厚惠而善良供賦者不沾恩且凶歲議蠲而免樂歲逋負之虛數民危在眉睫而議往年可緩之徵輸則何以周急若乃存留不過國課十分之一二耳官俸軍需之類詎可一日無哉故非蠲起運民未有能獲蘇者也

袁伯修策曰蠲之策一善行而蠲之策三今海內重災郡

邑其稅應存留者業已免徵而起運者尙未全豁也枵腹
子遺救死不暇而胡力辦此故起運之課宜省也又聞州
邑不肖之吏黃封雖下白紙猶催畸贏之夫腹無半粟而
手足猶繫于桁楊藉當亡之曠恩爲潤筐之便計乃其姓
名猶有不入撫按之白簡者何其貪而不黜乎故苛政之
察宜密也民草食不充而大吏猶華軒輶便至餽送充斥
供張豐腆此非民膏何以給之故官守之自奉宜薄也秦
田日薄征之政有三日蠲日減日緩大災當議蠲偏災當
議減災輕當議緩蠲免之詔宜速不宜遲減放之數宜多
不宜少停闕之後
宜帶徵不宜併徵

論曰予讀漢唐宋明諸賢主之詔未嘗不以遇災蠲免
爲急務究之有司奉宣德意者少愚民不霑惠澤者多

蠲者自蠲而取者自取雖加之以嚴刑重辟猶不能禁止而況遭值衰闇之世一切以姑息爲名者乎善乎蘇軾氏之奏曰民旣乏竭無以爲生縱加鞭撻終無所得緩之則爲奸吏之所蠶食急之則爲盜賊之所憑藉又曰孔子謂苛政猛于虎今乃有甚焉者水旱殺人百倍于虎狼人畏催欠有甚于水旱讀其言可爲痛心酸鼻雖懦夫亦當裂眦者也明太祖起自田間深究民隱凡四方之水旱年歲之豐歉無日不厪于懷史稱其在位三十餘年蠲放不可以數計其恩可謂渥矣及其後世乃定夏秋報災之限分存畱起運之數議者謂明祖之德意于是稍衰焉夫蠲不在逋課而在新租不在存畱

而在起運當萬厯時吳之鵬袁伯修皆嘗爲是議矣其
源出于朱子戊申封事而同爲有裨于救民實用予故
表而出之使後之仁民者有監焉

六典通考卷八十六

湖西閭鎮珩輯

荒政考

歷代荒政

大司徒三曰緩刑

謂凶年犯刑緩縱之

大荒則令邦國緩刑

士師

若邦凶荒則以荒辯之法治之

辯當爲貶聲之誤也遭飢荒則刑罰國事有所貶損作權

時法

令緩刑

紓民心也

朝士若邦凶荒札喪寇戎之故則令邦

國都家縣鄙慮刑貶

慮謀也貶猶減也謂當圖謀緩刑且減國用爲民困也所貶視時爲多少之法

漢景帝時上郡以西旱復修賣爵令而裁其賈以招民及徒

復作得輸粟于縣官以除罪元始元年遣使問民所疾苦冤

失職者

時海州大旱三年人民離散會新太守下車于公謂守曰非申孝婦之冤不可剗城昔有竇氏少寡事姑

孝姑欲其嫁不允姑遂自經姑之女以殺母告太守按治婦乃誣服咎非在是而何新守齋戒沐浴徒步祭孝婦塚祝畢大雨至今初元二年詔曰問者歲數不登元元困乏不勝飢寒以陷刑辟朕甚閔之赦天下有蠲除減省以便萬姓者條奏母有所諱三年詔曰百姓仍遭凶阨無以相振加以煩擾虐苛吏拘牽虐微文不得終永性命朕甚閔焉其赦天下永光二年詔曰陰陽未調三光晦昧元元大困流散道路盜賊並興有司又長殘賊失牧民之術朕爲民父母若是之薄謂百姓何其大赦天下三年詔曰問者連年不收四方咸困元元之民困于飢饉亡以相救朕爲民父母德不能覆而有其刑甚自傷焉其赦天下建始三年詔曰廼者郡國被水災流殺人民多至于數京師無故訛言大水至吏民驚恐奔走乘

城殆苛暴深刻之吏未息元元寃失職者眾遣諫大夫林等
循行天下鴻嘉元年詔曰刑罰不中眾寃失職趨闕告訴者
不絕是以陰陽錯謬寒暑失序日月不光百姓蒙辜朕甚閔
焉書不云乎卽我御事罔克耆壽咎在厥躬方春生長時臨
遣大夫理等舉三輔三河弘農寃獄公卿大夫部刺史明申
敕守相稱朕意焉四年詔曰數敕有司務行寬大而禁苛暴
訖今不改一人有辜舉宗拘繫農民失業怨恨者眾傷害和
氣水旱爲災關東流冗者眾青幽冀部尤劇朕甚痛焉未聞
在位有惻然之者孰當助朕憂之元壽元年詔曰惟陰陽不
調元元不瞻未睹厥咎妻敕公卿庶幾有望至今有司執法
未得其中或上暴虐假執獲名溫良寃柔陷于亡滅是故殘

賊彌長和睦日衰百姓愁怨靡所錯躬廼正月朔日有蝕之
厥咎不遠在余一人公卿大夫其各悉心勉師寮敦任仁人
黜遠殘賊期於安民其大赦天下

後漢建武五年旱蝗詔曰久旱傷麥秋種未下朕甚憂之將
殘吏未勝獄多寃結元元愁恨感動天地乎其令中都官三
輔郡國出繫囚辜非犯殊死一切弗案見徒免爲庶人永平
十八年詔時雨不降宿麥傷旱其理寃獄錄輕繫建初元年
詔曰比年民多疾疫墾田減少穀價頗貴人以流亡方春東
作宜及時務二千石勉勸農桑罪非殊死須立秋案驗有司
明慎選舉進柔良退貪猾順時令理寃戾時京師大旱穀貴
校書郎楊終上疏曰臣竊按春秋水旱之變皆內暴急患不

下流自永平以來仍連大獄有司窮考轉相牽引掠考冤濫家屬徙邊民懷土思怨結邊域足以感動天地移變陰陽願

陛下留念省察以濟元元

元和二年旱長水校尉賈宗等上言以爲斷獄不盡三冬故陰氣微

弱陽氣發泄招致災旱帝以其言下公卿議陳寵奏曰殷周斷獄不以三微而化致康平無有災害自元和以前皆用三冬而水旱之異往往爲患災害自爲它應不以改律素爲虐政四時行刑聖漢初興改從簡易蕭何草律季秋論囚但避立春之月而不計天地之正二王之春實頗有違陛下革百載之失建永年之功上有繼承之敬下有奉微之惠聖功美業不宜中疑

書奏納之

永元六年京師旱詔中都官徒各除半刑謫其

未竟五月以下皆免遺八年九月京師蝗詔吏二千石詳刑

辟理冤虐恤鰥寡矜孤弱十六年七月詔曰今秋稼方穗而旱雲雨不霑疑吏行慘刻不宜恩澤妄拘無辜幽閉善良所致其一切囚徒于法疑者勿決安帝立鄧太后臨朝以京師

旱親幸洛陽寺錄冤獄有囚寔不殺人而被拷自誣羸困與
見畏吏不敢言將去舉頭若欲自訴太后覺之呼還問狀具
得枉寔卽時收洛陽令下獄抵罪行未返宮澍雨大降元初
四年京師及郡國雨水詔霖雨者人怨之所致其武吏以威
暴下文吏妄行苛刻鄉吏因公主姦所爲百姓所患苦者有
司顯明其罰陽嘉三年詔以久旱京師諸獄無輕重皆且勿
考竟須得霖雨詔春夏連旱寇賊彌繁元元被害朕甚愍之
嘉與海內洗心更始自殊死以下謀反大逆諸犯不當得赦
者皆赦除之質帝卽位詔曰自春涉夏大旱炎赫憂心京京
故得禱祈明祀冀蒙潤澤前雖得雨而宿麥頗傷比日陰雲
還不開霽寤寐永歎重懷慘結

寤覺也寐臥也詩曰將二于寤寐永歎唯憂用老

石令長不崇寬和暴刻之爲乎其令中官繫囚罪非殊死考未竟者一切任出以須立秋熹平五年大雩使侍御史行詔獄亭部理冤枉原輕繫休囚徒興平元年三輔大旱自四月至于七月遣使者洗囚徒原輕繫

晉泰始七年雍涼秦三州飢赦其境內殊死以下隆和元年旱詔出輕繫

宋大明七年詔曰炎精損和陽偏不施歲云不稔咎實朕由近道刑獄當輕料省其王畿內及神州所統可遣尙書與所在其訊讞內外諸州委之刺史並議省律令思存利民元徽元年京師旱詔尙書令與執法以下就訊眾獄使冤獄洗遂困弊昭蘇

齊建元四年詔曰水潦爲患星緯乖序京都囚繫可剋日訊決諸遠獄委刺史以時察判

後魏太和十一年詔歲既不登民多飢窘輕繫之囚宜速決了無令薄臯久畱獄犴十四年春夏少雨高閭表伏以一夫幽枉王道爲虧京師之獄或恐未盡可集見囚于都曹使明折庶獄者重加究察輕者卽決遣重者定狀以聞詔施行永平二年以旱故幸華林都亭錄囚徒死罪以下降一等延昌元年以旱詔尙書與羣司鞠理獄訟二年以水旱飢儉百姓多陷罪帝御申訟車親理寃訟是夏十三郡大水詔曰頃水旱互侵頻年飢儉百姓窘敝多陷臯臯其殺人掠賣人羣強盜首及雖非首而殺傷財主曾經再犯公斷道路劫奪行人

者依法行決自餘殊死徒流以下各準減降神龜二年旱命
察理冤獄掩蔽埋熙平元年詔曰炎旱積辰苗稼萎悴尙書
可釐恤獄犴察淹枉簡量輕重隨事以聞無使一人怨嗟增
傷和氣正光元年詔炎旱爲災八座可推鞠見囚務申枉濫
三年旱命理冤獄

周保定元年詔曰亢旱歷時嘉苗殄悴豈獄犴失理刑罰乖
中歟其所在見囚死以下一歲刑以上各降一等百鞭以下
悉原之

唐貞觀八年山東及江淮大水帝以問虞世南對曰恐有冤
獄枉繫宜省錄繫囚帝然之遣使申理獄訟多所原宥十七
年久旱詔曰昔頽城之婦隕霜之臣至誠所通感應天地今

州縣獄訟常有冤滯者是以上天降鑒延及兆庶宜令覆囚
使至州縣科簡刑獄以申枉屈務從寬宥總章二年以旱親
慮京城囚徒其天下見禁囚委當州長官慮之儀鳳三年以
旱避正殿慮囚神龍二年以旱親錄囚徒多所原宥其東都
及天下諸州委所在長官詳慮開元二年關內旱寬繫囚三
年旱錄京師囚六年旱慮囚七年親慮囚于宣政殿事非切
害悉原之詔天下諸州見繫囚徒令所由長官便慮十六年
久雨詔兩京及諸州繫囚徒以下臯竝釋放死臯及流各減
一等檢林衡等久旱願眞卿爲御史行部至五原時有冤獄久不決眞卿立辨其冤雨卽沛然郡人呼爲御史雨
長慶二年詔曰農耕方始災旱是虞慮有冤滯感傷和氣宜
委御史中丞理寺及府縣長吏錄囚徒決遣除身犯臯應支

證追呼近繫者一切放出須辨對者任其責保冀得克消沴
氣延致休祥四年詔霖雨稍多陰陽小沴慮囚徒之中或有
冤濫宜令御史中丞刑部侍郎大理卿同疏理決遣其在內
諸軍使囚徒亦委本司疏決太和七年敕旬月少雨慮冤滯
或有感傷委大臣就尚書省疏理諸司囚徒其外府州有水
旱處委長吏準此處分開成二年詔秋旱未雨慮有幽冤縲
禁多時須議疏決京師刑獄宜令鄭覃親往疏理大中四年
以霖雨詔京師關輔理囚九年詔江淮數道水旱疾癘宜委
所在長吏愼恤刑罰疏決囚徒必務躬親俾無冤滯咸通十
年蝗旱理囚

後唐天成元年久雨論天下州府疏理繫囚無令冤滯長興

三年霖雨積旬敕京城諸司繫囚疏理釋放 晉天福八年
敕飛蝗作沴膏雨久愆應三京鄴都諸道州府見禁囚人除
十惡行劫諸殺入者及僞行印信合造毒藥官典犯贓外舉
者減一等餘並放照運三年敕漸及春農久愆時雨深慮固
圉或有滯淹其諸道州府見禁人等竝據舉輕重疾速斷遣
宋制諸州歲歛選官分路巡撫緩囚繫省刑罰飢民劫困窘
者薄其臯洎化三年旱遣使分行諸路決獄五年遣使決諸
路刑獄因飢劫贓粟誅爲首者餘減死天聖七年河北水遣
使決獄囚嘉祐七年命官錄被水諸州繫囚熙甯三年以旱
慮囚死臯以下遞減一等杖笞者釋之紹聖元年旱詔恤刑
又詔中外決獄洎熙八年久雨減京畿及兩浙囚臯一等釋

杖以下

金泰和四年久旱遣使審繫囚理冤獄

元延祐四年帝謂侍臣曰中書比奏百姓乏食朕思民飢若此豈政有過差致然與向詔有司遵世祖成憲勉力奉行然惟省刑薄賦庶使百姓可遂其生也

明洪武二十四年久旱錄囚二十六年旱省獄囚宣德八年
禱雨不應詔中外疏決臯囚正統三年以旱讞中外疑獄十
四年旱太監金英同法司錄囚初刑部尚書魏源以災旱上
疑獄請命各巡撫錄從之無巡撫者命巡按清軍御史行在
都察院亦以疑獄上通審錄之成化八年京師久旱錄囚十
七年久旱風霾諭法司慎刑獄太監懷恩同法司錄囚宏治

十五年王哲巡按江西值大旱種苗不得入土哲卽親錄囚繫出其當原者數百人餘皆減之次日卽雨遂成有秋民爲謠曰江西有一哲六月飛霜雪天下有十哲太平無休歇正德五年禱雨釋獄囚松江吳黼任撫州同知時久旱不雨楚路求寬免黼嚴諭如律是夕大雨萬人爲雷震死單縣有田作者其婦餽之食畢卽死其翁白陳于官不勝垂楚誣服自是久不雨許襄毅時官山東曰獄其有冤乎親歷各境出獄囚審之至餽婦詢其所饋飲食所經道路婦曰魚湯米飯度自荆林無他異也時適當其夫死之際置魚作飯仍神宗十由舊路行試狗彘無不立死者遂出其罪卽日大雨神宗十三年旱詔中外理冤抑釋鳳陽輕犯及禁錮年久者崇禎十年旱清刑獄十五年亢旱詔清獄中允黃道周言五日之內繫兩尙書不聞有抗疏爭者尙足回天意乎兩尙書謂李日宣陳新甲也帝方重怒二人不能從

大司徒四曰弛力

息徭役也

大荒則令邦國弛力

均人凶札

則無力政

恤其勞也

漢本始三年大旱詔三輔民就賤者且毋收事盡四年

事謂役使

盡本始四年而止

地節三年詔流民還歸者且勿算事

不出算賦及給徭役

後漢永元九年詔今年秋稼爲蝗蟲所傷皆勿收更永初四

年詔以三輔比遭寇亂人庶流冗除三年過更元初元年詔

除三輔三歲更賦永建五年詔郡國貧人被災者勿責今年

過更

更賦者踐更踐更過更此力役之征唐謂之庸錢宋謂之差役

晉咸康二年免所旱郡縣繇役

後魏延昌二年詔以恒肆地震人多離災其有課丁沒盡老

幼單立家無受復者各賜廩粟以接來稔熙平元年旱權停

作役神龜三年以旱詔止土功

隋開皇十八年詔河南八州水免課役

唐武德二年制凡水旱蟲霜爲災損七分以上課役俱免

宋嘉定二年募民以振飢免役

金泰和四年免旱災州縣徭役興定三年令逃戶復業者苦役一切皆免能代耕者免如復戶

元中統三年濟南路遭李璫之亂軍民皆飢盡除差發至元七年南京河南蝗旱減差徭十分之六十七年詔以末甘孫民貧免其役三年鞏昌常德等路飢免其徭役大德二年詔以水旱老病單弱者差務並免三年五年各路被災重者差務並除之

明成化六年敕順天河間永平眞定保定災傷差徭暫優免

大司徒五日舍禁

舍禁若公無禁利食山澤所造禁者舍去其禁使民取蔬食

大荒則

令邦國舍禁

漢文帝後六年大旱蝗弛山澤之禁初元元年詔關東年穀不登民多困乏江海陂湖園池屬少府者以假貧民二年詔水衡禁園宜春下苑少府伙飛外池嚴禦池田假與貧民

後漢永元五年詔京師離宮果園上林廣成園悉以假貧民恣得采捕不收其稅九月令郡縣官有陂池令得采取勿收假稅二歲九年詔秋稼被蝗蟲所傷其山林饒利陂池漁採以贍元元勿收假稅十一年遣使循行郡國稟貸被災害不能自存者令得漁采山林池澤不收假稅十二年詔郡國流

民聽入陂池漁采以助蔬食十五年詔令百姓解算漁采陂池不收假稅二歲

晉義熙九年罷臨沂湖熟皇后脂澤田四十頃以賜貧人弛湖池之禁

宋孝建二年三吳民飢詔諸苑禁制綿遠有妨肄業可詳所開弛假與貧民

唐貞觀十一年廢明德宮之元圃苑院分給河南雒陽遺水者儀鳳三年四月同州飢沙苑及長春宮並許百姓樵採漁獵

宋制諸州歲歉利有可與民共者不禁水鄉則蠲蒲魚果蔬之稅咸平二年詔江浙飢民入城池漁採勿禁

遼乾統三年武清縣大水弛其陂澤之禁

金承安二年以薪貴敕園場地內無禁樵採

元至元十年遼東飢弛獵禁十四年河南山東水旱除河泊
課聽民自漁二十四年遼東飢弛太子河捕魚禁二十六年
平灤河間保定等路飢弛河泊之禁檀州飢民劉德成犯獵
禁詔釋之二十八年杭州平江等五路飢弛湖泊捕魚之禁
遼陽武平飢弛獵禁武平平灤諸州飢弛獵禁其孕字之時
勿捕元貞元年江西大水弛江河湖泊之禁大德元年淮東
飢弛湖泊之禁聽捕獵二年建康隆興臨江甯國太平廣德
饒池等處水弛澤梁之禁三年江陵路旱蝗弛湖泊之禁四
年湖北飢弛山澤之禁五年以歲飢聽民捕獵七年弛飢荒

所在山澤河泊之禁一年九年冀甯歲不登山澤聽民採捕至大元年詔水旱相仍缺食者眾諸禁捕野物地面除上都大同隆興三路外大都周圍各禁五百里其餘禁斷處應有山場河泊蘆場並行開禁一年聽民採捕皇慶二年諸被災地並弛山澤之禁獵者毋入其境延祐六年濟甯等路水開河泊禁聽民採食七年瀋陽水旱害稼弛山場河泊之禁至治二年真定山東諸路飢弛河泊之禁四年以歲飢開內郡山澤之禁天歷二年河南府路民飢弛山林川澤之禁聽民採食至正三年江浙等處飢所在山場河泊聽民樵採

大司徒六曰去幾

幾謂阿禁雖凶年猶幾阿但去稅而已

司關國凶札則無

關門之征猶幾

出入關門無租稅猶呵察不得令姦人出入

司市國凶荒札喪

則市無征而作布

有災害物貴市不稅爲民乏困也金
朝無凶年因物貴大鑄泉以饒民

漢本始四年詔今歲不登令民以車船載穀入關者得毋用
傳陽朔二年關東大水流民欲入函谷天井壺口五阮關者
勿苛留

宋大明八年詔東境去歲不稔宜廣商賈遠近販鬻米者可
停道中雜稅

後魏太和七年冀定二州民飢弛關津之禁任其去來

後唐同光三年敕水潦爲患物價騰踊人戶多于西京收糴
斛斗聞諸道州府逐斛皆有稅錢遂不通行宜令各下京西
諸道州府凡收糴斛斗不得輒有稅率及經過水陸關防鎮
縣罔有邀詰

宋天禧元年詔陝西緣邊鬻穀者勿算天聖八年詔河北被

水州縣無稅牛賣元二年詔兩川飢民出劍門關者勿禁慶

歷八年河北流民所過官爲舍止之所齎物毋收算蘇軾乞免五穀

力贖稅錢制于臣聞穀太賤則傷農太貴則傷末是以法不

稅五穀使豐熟之鄉商賈爭糴以起太賤之價災傷之地舟

車輻輳以壓太貴之直近歲法令始有五穀力贖稅錢使商

賈不行農末皆病臣頃在黃州親見累歲熟熟農夫連車載

米入市不了鹽茶之費而累積之家日夜請祠願逢飢荒又

在新西親見累歲水災中民之家有錢無穀被服金珠飢死

于市此皆官收五穀力贖稅錢致商賈不行之咎也去年新

西水災陛下使江西湖北雇船運米以救蘇湖之民蓋百餘

萬石而客船枝差雇者皆失業破產無所告訴與其官司費

耗如此何似削去五穀力贖稅錢則豐凶相濟農末皆利今

元祐編敕雖云災傷地分有例亦免而穀所從來必自豐熟

地分所過不免收稅則商賈亦自不行議者或欲立法如一

路災傷則鄰路免稅一州災傷則鄰州亦然雖比今法小爲

通流而隔一州一路之外豐凶不能相救須是盡削近日弊

法專用天聖附令指揮乃爲通濟朱子奏救荒事宜畫一

狀今米穀不得收稅雖有成法而州縣場務多不遵守往罪

而有所挾之資既糴而有所質之貨則往來經由去處尤以
邀阻抽稅爲苦欲望聖慈特降睿旨申嚴舊法仍詔有司諸
被災州縣人戶欲興販物貨往外州府收糴米穀就闕米處
出糴者各經所在自陳所帶貨物判執前去其糴米訖所買
回貨亦各經所在自陳判執同歸不得輒
收分文稅錢庶幾商販流通民食不匱
嘉定元年不雨何
異上封事言陛下閔念饑民藥病殞死遐荒僻嶠安得實惠
多方稱提不如縮造楮幣阜通商米不如稍寬關市之征

明杭州司李蔡懋德通商濟荒條議近聞鄰境閉糴米價
翔涌商販紛紛有各處阻難之懋思官府之儲散有限
遠商之樂販無窮招來之法釐爲八則一不定官價二清
追牙欠三免稅鈔四免官差五禁發米處奸徒阻遏六禁
沿途白捕嚇詐水鄉假冒巡船指稱搜鹽因而搶奪許鳴
官重處七禁役需索八米到悉聽民便或積或賣官俱不
問

大司徒七曰青禮

青禮殺
吉禮也

小宰喪荒受其含稭幣玉之事

凶荒有幣玉者賓
客所賜委之禮

膳夫王曰一舉大荒則不舉

司服大

荒素服

君臣服編冠

掌客凡禮賓客凶荒殺禮

歲凶年穀不

登君膳不祭肺馬不食穀馳道不除祭事不縣大夫不食梁

士飲酒不樂

自皆爲貶損憂民也禮食殺牲則祭先有虞氏以首夏后氏以心殷人以肝周人以肺不祭肺

則不殺也除治也不治道爲妨民取蔬食也縣樂器鍾磬之屬也梁加食也不樂去琴瑟

玉藻年不順

成則天子素服乘素車食無樂自貶損也至于八月不雨君不舉

爲早變也年不順成君衣布搢本關梁不租山澤列而不賦土功

不興大夫不得造車馬

皆爲凶年變也君衣布者謂衛文公大布之衣大帛之冠是也搢本去莛

茶佩土笏也士以竹爲笏飾本以象關梁不稅此周禮也殷則關但議而不征列之言遮列也雖不賦猶爲之禁不得非

時恥也造謂作新也

檀弓歲旱穆公召縣子而問然曰天久不雨吾

欲暴尪而奚若

尪者面鄉天覲天哀而雨之

曰天則不雨而暴人之疾子

虐母乃不可與然則吾欲暴巫而奚若曰天則不雨而望之

愚婦人于以求之母乃已疏乎

巫主接神亦覲天哀而雨徙之周禮女巫巫旱暵則舞雩徙

市則奚若曰天子崩巷市七日諸侯聽巷市三日爲之徙市

不亦可乎

徙市者庶人之喪禮人徙市是憂戚于旱若喪

漢文帝後六年大旱蝗減諸服御本始四年詔歲不登令大官損膳省宰初元元年詔曰間者陰陽不調黎民飢寒無以保治其令諸宮館希御幸者勿繕治太僕減穀食馬水衡省肉食獸五年詔曰關東連遭災害飢寒疾疫天不終命其令大官毋日殺所具各減半乘輿秣馬無乏正事而已罷角觝上林宮館希御幸者齊三服官

後漢建初二年詔曰陰陽不調飢饉屢臻深惟先帝憂人之本詔書曰不傷財不害人誠欲元元去末歸本而今貴戚近

親奢縱無度嫁娶送終尤爲僭侈今自三公並宜明糾非法
延平元年詔陰雨過節其減大官導官尙方內府諸服御珍
膳靡麗難成之物永興二年詔比者星辰謬越坤靈震動災
異之降必不空發其輿服制度有踰侈長飾者皆宜損郡縣
務存儉約申明舊令如永平故事

晉咸甯五年以百姓飢饉減御膳之半咸康二年旱詔太官
減膳義熙元年詔國難之後人物彫殘常所供奉猶不改舊
豈所以視人如傷禹湯歸過之誠哉可籌量減省

宋大明七年詔災精損和陽偏不施歲云不稔咎實朕由大
官供膳宜從貶撤泰始元年詔曰久歲不登公私歎弊方刻
意從儉宏濟時艱大官供膳可詳所減撤尙方御府雕文篆

刻無益之物一皆蠲省

後魏太和二年京師旱減膳避正殿十一年京師大飢詔罷
尙方錦繡綾羅之工四民欲造任之無禁其御府衣服金銀
珠玉綾羅錦繡太官雜器太僕乘具內庫弓矢出其大半班
賫百官及京師士庶下至工商卑隸逮于六鎮戍士各有差
韓麒麟表陳時
帝已見上篇永平元年以旱減膳徹懸延昌元年以旱故
減膳正光二年以旱減膳徹懸禁止屠殺

隋開皇十四年關中大旱民飢上遣左右視民食得豆屑雜
糠以獻爲之流涕不御酒殆將一晷

唐貞觀元年歲飢減膳三年旱甚避正殿十一年詔以水災
諸司供進悉令減省凡在供役量事停廢十七年以旱不視

朝詔曰和氣愆于陰陽亢旱涉于春夏詳思厥咎在予一人
今避正殿以自剋責尚食常膳亦宜量減顯慶元年上封人
奏去歲粟麥不登百姓有食糟糠者帝命取所食視之驚歎
令所司常進之食三分減二上元二年久旱避正殿減膳儀
鳳三年以旱避正殿永淳元年飢罷朝會神龍二年京師旱
河北水減膳先天二年雨霖避正殿減膳開元三年旱避正
殿減膳六年以亢旱不御正殿于小殿視事七年以旱避正
殿減膳貞元元年以旱避正殿減膳二年歲飢罷元會禮詔
以民飢御膳之費減半宮人月共糧米都一千五百石飛龍
馬減半料八年詔以歲凶罷九日賜宴十五年罷中和節宴
會年凶故也又罷三月羣臣宴賞二十年歲儉罷中和節宴

太和七年詔曰時澤未降朕當避正殿減供膳飛龍廐駕量減食粟其百司署厨饌亦且權減天祐二年旱避正殿減膳宋大中祥符九年以旱罷秋宴及重陽宴慶歷八年河北京東西水災罷秋宴皇祐元年河北水災罷上元張燈二年旱飢罷上元觀燈元祐二年詔冬夏旱暵海內被災廣避殿減膳責躬思過以圖消復紹興五年久旱減膳淳熙八年以旱傷罷喜雪宴嘉定二年歲飢罷雪宴

金泰和四年久旱詔避正殿減膳省御廐馬貞祐四年旱蝗敕減尚食數品及後宮歲給縑帛有差

明成化元年大雨雹避正殿減膳宏治六年災傷罷明年上元燈火隆慶元年以霖雨修省素服避殿御皇極門視事崇

禎二年以久旱齋居文華殿三年如之

大司徒八曰殺哀

謂省凶禮

後漢永平十二年詔曰喪貴致哀禮在甯儉今百姓送終之禮競爲奢靡生者無擔石之儲而財力盡于墳土伏臘無糟糠而牲牢兼于一奠豈祖考之意哉有司其申明科禁宜于今者宣下郡國

大司徒九曰藩樂

謂開藏樂器而不作

大司樂大凶令弛縣

謂下之若今

休兵鼓之爲

漢本始四年詔今歲不登令樂府減樂人使歸就農業

後漢永初四年元日會徹樂不設充庭車

以年飢故不陳

後魏延昌元年以旱撤懸

唐上元二年以旱撤樂神龍二年京師亢旱令撤樂開元七年以旱撤樂太和七年詔時澤未降太常教坊聲樂權停閱習

宋皇祐元年以河北水災停作樂

金泰和四年久旱撤樂

大司徒十日多昏

多昏不備禮而娶昏者多也

史浩曰古者國有凶荒則殺禮而多昏會男女之無夫家者所以育人民高愈曰匹夫匹婦不能自保殺禮而多昏

使民自相保

大司徒十有一曰索鬼神

索鬼神求廢祀而修之雲漢之詩所謂靡神不舉靡愛斯牲者也

舞師教皇舞帥而舞旱暵之事

皇析五采羽爲之亦如蛟

稻人旱暵

其其雩斂

稻人共雩斂急水者也鄭司農云雩事所發斂

肆師若國有大故則令

國人祭

大故謂水旱凶荒所令祭者社及農圃

大祝國有大故天裁禱祀社

稷禱祠

天裁疫癘水旱也彌猶徧也徧祀社稷及諸所禱既則祠之以報焉

小祝將事侯禋

禱之祝號以祈福祥逆時雨甯風旱

禱禱御凶咎甯風旱之屬

司巫若

國大旱則帥巫而舞雩

雩旱祭也天子于上帝諸侯于上公之神

女巫旱暵則

舞雩

使女巫舞旱祭崇陰也

凡邦之大裁歌哭而請

有歌者有哭者莫以悲哀感神靈也

凡以神仕者以冬日至致天神人鬼以夏日至致地示物

彪以禴國之凶荒

天人陽也地物陰也陽氣升而祭地示物彪所以順其爲人與物

也致人鬼于祖廟致物彪于

詩大雅雲漢靡神不舉靡愛

斯牲圭璧既卒甯莫我聽

言王爲旱之故求于羣神無不祭也

不殄禋祀自郊

徂宮上下奠瘞靡神不宗

尊也國有凶荒則索鬼神而祭之

羣公先正則不我助父母先祖胡甯忍子

先正百辟卿士也

春秋

桓公五年大雩

大雩音雩于上帝用盛樂也諸侯雩于境內之山川耳魯諸侯而大雩欲悉書於冊則有

不勝書者故雩祭則因早以書而特謂之大因事以書而義自見

公羊傳大雩者何旱祭也

雩旱請雨祭名君親之南郊以六事謝過自責曰政不一與民失職與宮室崇與婦謁盛與苞苴行與諷夫倡與使童男

女各入人舞而然則何以不言旱言雩則旱見言旱則雩不呼雩故謂之雩

見何以書記災也

旱者政教不施之應

莊公二十五年秋大水鼓用牲

于社於門左氏傳亦非常也凡天災有幣無牲

天災日月穀食大水也

梁傳高下有水災曰大水既戒鼓而駭眾用牲可以已矣救

日以鼓兵救水以鼓眾

救日以鼓兵者謂伐鼓以責陰陳兵示禦侮救水以鼓眾者謂擊鼓聚眾

也皆所以代陽也

僖公十一年秋八月大雩穀梁傳雩月正也雩得

雨曰雩不得雨曰旱

禮龍見而雩常祀不書書者皆以旱也

二十一年左氏傳

夏大旱公欲焚巫尪臧文仲曰非旱備也修城郭貶食省用務穡勸分此其務也巫尪何爲天欲殺之則如勿生若能爲

旱焚之滋甚公從之是歲也飢而不害

巫尪女巫也主祈禱請雨者或以爲瘡痂

之定公元年秋九月大雩穀梁傳雩者爲旱求者也求者請

也古之人重請何重乎請人之所以爲人者讓也請道去讓

也則是舍其所以爲人者是以重之焉請哉請乎應上公古

之神人有應上公者通乎陰陽君親帥諸大夫道之而以請

焉

道之請君必爲先也其禱辭曰方今大旱野無生稼寡人當死百姓何謗不敢煩民請命願撫萬民以身塞無狀

夫請者非可詒託而往也必親之者也是以重之

詒託猶假寄趙子曰

大雩卽山林川澤能興雲雨而皆祈焉不必專于上公也

鄭大旱使屠擊祝款豎柎有

事于桑山斬其木不雨子產曰有事于山執山林也而斬其

木其罪大矣奪之官邑

有事祭也義護令繁

鄭大水龍鬪于時門

之外洧淵國人請爲禳焉子產弗許曰我鬪龍不我覲也龍

鬪我獨何覲焉禳之則彼其室也吾無求于龍龍亦無求于

我乃止也

時門鄭城門也洧水出滎陽密縣東南至潁川長平入潁

齊景公時天大旱

三年卜之曰必以人祠乃雨景公下堂頓首曰凡吾所以求

雨者爲吾民也今必使吾以人祠乃且雨寡人將自當之言

未卒而天大雨

漢元封二年旱廼禱萬里沙三年夏旱令天下尊祠靈星六

年旱女子及巫丈夫不入市

董仲舒傳仲舒治國以春秋災異之變推陰陽所以錯行故求

內閉諸陽縱諸陰其止雨反是

始元六年夏旱大雩不得舉火

後漢永平十八年詔二千石分禱五岳四瀆郡界有名山大

川能興雲致雨者長吏各潔齋請冀蒙嘉澍陽嘉元年京
師旱庚申敕郡國二千石各禱名山岳瀆遣大夫謁者詣嵩
高首陽山並祠河洛請雨遣侍中王輔等持節分詣岱山東
海榮陽河洛盡心祈焉

濟水四瀆之一至河南溢
爲榮澤故于榮陽祠焉

質帝卽位

詔郡國有名人山大澤能興雲雨者二千石長吏各潔齋請禱
竭誠盡禮嘉平中復崇高山名爲嵩山大雩

東觀記使中郎
將堂谿請雨上

言改之

晉咸甯二年詔諸旱處廣加祈請又祈雨于社稷山川太興
元年旱帝親雩永和八年大雩

齊梁陳並
見禮制考

後魏太和十五年久不雨有司奏祈百神詔曰昔成湯遇旱
齊景逢災並不由祈山川而致雨皆至誠發中澍潤千里萬

方有罪在予一人今普天喪恃國顯同哀神若有靈猶應未
忍安享何宜四氣未周便欲祀事唯當考躬責已以待天譴
神龜二年詔時澤弗應三麥枯悴德之無感歎懼兼懷可勅
內外依舊雩祈率從祀典正光三年詔炎旱頻歲嘉雨弗洽
在予之責憂懼震懷今可依舊分遣有司馳祈岳瀆及諸山
川百神能興雲雨者玉帛牲牢隨應薦享

隋開皇三年早上親祈雨于國城西南已復親雩

唐制凡京師孟夏以後旱則先祈岳鎮瀆海及諸山川能興
雲雨者皆于北郊望祭又祈社稷及宗廟每七日一祈不雨
還從岳瀆如初旱甚則修雩開元四年關中旱遣使祈雨于
驪山應時澍雨令以少牢致祭乾元二年久旱徙東西二市

祭風伯雨師修雩祀壇爲泥土龍祭名山大川而祈雨

馬氏天

大旱里巷爲土龍聚巫以禱禱曰旱由政不修卽命撤之明日雨是歲大穰

大歷九年久旱京兆

尹黎幹歷禱諸祠未雨又請禱文宣廟卻之十二年小旱上齋居祈禱貞元元年分命朝臣禱羣神祈雨十五年久旱令陰陽人法術祈雨十九年分命禱雨山川

宋建隆元年命宰相禱雨二年夏旱翰林學士王著請令近臣禮告天地宗廟社稷及望告嶽鎮海瀆於北郊以祈甘澤詔用其禮雨足報賽如禮三年幸相國寺禱雨乾德元年旱徧禱京城祠廟夕雨五月遣使禱雨嶽瀆又分命近臣禱雨二年遣使祈雨於五嶽開寶三年幸寺觀禱雨五年命近臣祈晴六年命近臣祈雪七年命近臣祈雨八年命祈雨已又

禱晴九年大雨命近臣詣諸祠祈晴太平興國三年命羣臣
禱雨五年命宰相祈晴六年幸太平興國寺祈雨七年旱分
遣中黃門徧禱方嶽雍熙三年大雨遣使禱嶽瀆至夕雨止
其冬幸建隆觀相國寺祈雪消化二年蝗旱禱雨弗應詔宰
相呂蒙正等朕將自焚以咎天譴翼曰雨蝗盡死三年遣官
祈晴京城諸寺觀至道二年京師旱遣中使禱雨命宰臣祀
郊廟社稷禱雨咸平元年幸大相國寺祈雨升殿而雨又遣
使禱衛州百門廟鹿山百門廟賜名靈源廟二年幸太一宮天清寺祈
雨五年都城大雨幸啟聖院太平興國寺上清宮致禱雨霽
大中祥符二年幸大相國等寺上清宮祈雨遣司天少監史
序祀元冥五星于北郊除地爲壇望告已而雨足遣官報謝

及社稷初學士院不設配位及是禮官言祭必有配報如常祀舊制不祈四海帝曰百谷之長潤澤及物安可闕禮特命

祭之天禧元年以不雨禱于四海諸祠

楊億奏山越仍歲亢旱今月旱氣益熾

郡之中隸神不禱往三十年前開輔不雨村民詣寺禱僧有善胡法者捕蜥蜴十餘枚置一食中漬之以水蒙之以糝木葉取童男數人衣青衣塗面及手足人持柳枝沾水散灑且祝曰蜥蜴蜥蜴與雲吐霧雨今霧池汝今歸去如是者無晝夜嬰繞而言明日大雨臣如其法請禱少頃暴雨寸餘至十三日大雨三四尺昔東方朔有言曰謂之爲龍又無角謂

入有足跛跛脈脈善緣壁是非守宮卽蜥蜴揚雄亦云蜥蜴而嘲靈龍又故刑部侍郎張洎嘗謂臣言昔使高麗汎海忽陰墮舟人諱言龍見洎亟起視之見垂尾于雲間正如蜥蜴之狀良久雨大作卽知蜥蜴者亦龍之類也

明

道二年祈雨於會靈觀上清宮景治開寶寺慶歷三年春夏不雨遣使禱祠嶽瀆五月祈雨于相國寺會靈觀五年禱雨于相國天清寺會靈祥源觀七年祈雨于西太一宮及還遂

雨八年以久雨齋禱嘉祐七年祈雨于西太一宮治平元年
祈雨于相國天清寺醴泉觀二年以久旱遣使祈嶽瀆名山
大川熙甯元年親幸寺觀祈雨令在京差官分禱先致齋三
日行事諸路擇端誠修潔之士分禱海鎮嶽瀆名山大川潔
齋行事諸路神祠靈跡寺觀雖不係典祀祈求有應者並委
州縣差官潔齋致禱已而雨足復幸太一宮報謝其冬禱雪
于郊廟社稷五年始建雪壇祀上帝以太宗配七年以旱罷
方田是日雨元豐三年命輔臣禱雨元祐元年久旱幸相國
寺祈雨五年禱雨嶽瀆八年久雨禱山川紹興五年久旱祈
禱七年以旱禱於天地宗廟社稷入年時雨愆候令臨安府
差官迎請天竺觀音赴法
則寺置道場如法祈求其後每祈水旱
則迎天竺觀音入城或差官就寺祈禱洎熙十年分命羣臣

禱雨于天地宗廟社稷山川十四年以久旱頒蠶龍祈雨法
太常寺言亢陽爲沴檢國朝典禮祈嶽鎮海瀆及諸山川能
興雲雨者于北郊望告又祈宗廟社稷及雩事上帝皇地祇
詔命宰臣以下分詣告祭宰執進呈太常寺乞謝雨王淮等
奏國朝典禮所用酒脯謝如常祀但紹興以來只是酒脯唯
雩祀用牲然雩無報謝之禮慶元二年以旱禱于天地宗廟
社稷三年如之嘉泰元年以旱禱于天地宗廟社稷二年如
之開禧嘉泰之間連年旱蝗禱同前嘉定七年旱命諸路州
軍禱雨八年命有司禱雨十七年久雨命從臣日一人禱于
天竺山寶慶二年如之三年以久雨命臨安府守臣禱于天竺
山二月凡二舉紹定中每有旱潦輒命臨安府及守臣禱于

天竺山端平三年霖雨害稼命近臣禱于天地宗廟社稷及宮觀嶽瀆嘉熙二年久雨烈風禱于天地宗廟社稷淳祐六年命從臣曰一人禱雨天竺山七年禱雨天地宗廟社稷八年秋霖雨命從臣曰一人禱于天竺山監郎禱于霍山十一年命侍從卿監一人禱雨天竺山寶祐四年久雨命從臣禱于天竺山六年命臨安府守臣禱雨天竺山霍山又命侍從卿監曰一人禱于天竺山郎官詣霍山開慶元年都省言兩浙雨多詔司行下諸郡縣守倅令佐親詣寺觀神祠精加祈禱景定中命從臣卿監曰一人禱雨天竺山郎官詣霍山凡三次

遼神冊四年天大風雪禱于天俄頃而霽天顯三年行瑟瑟

禮國語解祀禮祈雨射柳之儀通蘇可汗制四年復行應歷十二年旱命左右

以水相沃頃之雨十六年以旱泛舟于池禱雨不雨捨舟立水中而禱俄頃乃雨十七年祈雨復以水沃羣臣保甯元年朔射柳祈雨七年同乾亨十年祈雨統和十六年祈雨重熙九年射柳祈雨清甯元年帝射柳訖詣風師壇再拜太康六年以旱命左右以水相沃俄雨降乾統八年射柳祈雨

金大定四年詔禮部尚書王競禱雨於北嶽命參知政事石琚等北郊望祭禱雨及雨足命有司祭謝嶽鎮海瀆于北郊十二年久旱命禱祠山川十六年遣使禱雨于靜甯山神有頃雨十七年京畿久雨命諸寺觀啟道場祈禱明昌元年不雨祈于北郊及太廟又祈于社稷復祈雨于太廟望祭嶽鎮

海濱于北郊三年命有司祈雨望祭嶽鎮海濱山川于北郊
又祈雨于社稷復望祭嶽鎮海濱山川于北郊四年以久雨
禁以晴祭嶽鎮海濱五年桓撫二州旱遣使禱于縉山六年
以久雨崇承安元年不雨遣官望祭嶽鎮海濱于北郊遣參
知政事尼龐古鑑禱雨社稷復遣使就祈東嶽又命尙書右
丞胥持國祈雨于太廟御史大夫移刺仲方祈雨于社稷參
知政事馬琪祈雨于太廟上以久不雨命禮部尙書張暉祈
雨于北嶽遣官望祭嶽鎮海濱于北郊禁京城繖扇二年命
有司祈雨望祭嶽鎮海濱于北郊祈雨于社稷及雨足報祭社
稷望祭嶽鎮海濱于北郊四年旱命有司祭嶽鎮海濱祈雨
太廟雨足命有司報謝七月久雨令大興府祈晴五年遣有

司祈晴望祭嶽瀆泰和元年祈雨北郊二年命有司祈雨四年山東河北旱詔祈雨東北二嶽又祈雨于社稷太廟望祀嶽鎮海瀆于北郊有司請雩詔三禱嶽瀆社稷宗廟不雨乃行之已而雨皆報祀三年敕有司祈雨仍頒土龍法興定二年以旱災詔中外遣官望祀嶽鎮海瀆享太廟祭太社稷祭九宮貴神于東郊五年上御仁安殿祈雨仍望祭北郊以旱築壇祀雷雨師禱雨于太廟正大三年旱遣官禱于濟瀆祈于太廟禁繖扇五年旱遣禱上清宮

元大德九年大都旱遣使持香禱雨十年同皇慶二年亢旱久帝于宮中焚香默禱遣官分禱諸祠甘雨大注延祐四年帝謂侍臣曰雨暘不時柰何蕭拜住對曰宰相之過也帝露

香默禱既而大雨左右以雨衣進帝曰朕爲民祈雨何避焉
泰定三年不雨遣使分祀五嶽四瀆名山大川及京城寺觀
天歷二年以去冬無雪今春不雨命中書及百司官分禱山
川羣祀

別兒怯不花拜浙江行省左丞相
遇淫雨亢旱出禱神祠無不應

明洪武二年久不雨祈告諸神祇中設風雲雷雨嶽鎮海瀆
凡五壇東設鍾山兩淮江西兩廣海南北山東燕南燕蓟山
川旗纛諸神凡七壇西設江東兩浙福建湖廣荆襄河南北
河東華山川京都城隍凡六壇中五壇奠帛初獻帝親行禮
兩廡命官分獻

滁之西南豐陽谷相子潭有龍祠水旱禱之
輒應既禱或魚躍或龜鼉浮皆雨兆帝卽齋

沐浴齋禱畢立淵西崖久之無所見乃贊弓注矢祝曰天旱
如此吾爲民致禱神食茲土其可不恤民吾今與神約三日
必雨不然神恐不得祠于此也祝畢連發三矢而還後三日
大雨如注帝卽乘雨往謝是歲滁大熟三年旱帝

親禱于山川壇齋于西廡皇后躬熱費爲農家食太子諸王躬饋于齋所帝素服草屨徒步詣壇席褰曝日中夜臥於地凡三日詔有司訪求通經術明治道者越五日大雨洪熙元年久雨遣官祭大小青龍之神自後每旱輒遣官致禱宣德三年旱遣成國公朱勇祭大小青龍之神昔有僧名盧自江尸陀林秘應巖一日二童子來拜盧納之齋薪供奉時久旱二童子白于盧能限雨期言訖委身龍潭須臾化青龍一大一小至期果得甘雨事聞盧號曰感應禪師建寺設像又別建祠于源春秋遣官祭青龍神宣德中敕建大圓通寺二青龍出現禱之英宗正統四年京畿水災祭告天地九年雨雪有應加封號愆期遣官祭天地社稷神祇諸壇景泰六年禱雨南郊成化六年禱雨郊壇八年京師久旱運河水涸遣官禱于郊社山川淮瀆東海之神二十三年旱遣使分禱天下山川宏治十

七年畿內山東久旱遣官祭告天壽山分命各巡撫祭告嶽
鎮東海正德五年禱雨嘉靖八年諭禮部去冬少雪今當東
作雨澤不降當親祭南郊社稷山川尙書方獻夫等言陛下
閔勞萬姓親出祈禱禮儀務簡約以答天戒二月親禱南郊
山川同日社稷用次日不除道冠服淺色羣臣同是秋帝欲
親祀山川諸神禮部尙書李時言舊例山川等祭中夜行禮
一日出郊齋宿祭畢清晨回鑾日畢事禮太重宜比先農壇
例昧爽行禮祭服用皮弁迎神送神各兩拜十七年大雪上
躬禱雨製祝文藝之不應復于宮中默禱已乃大雨四十三
年大雪祈得雨神宗十三年上親禱郊壇卻輦步行崇禎四
年步禱南郊

大司徒十有二月除盜賊

急其刑以除之飢饉則盜賊多不可除也

士師若邦

凶荒令糾守

備盜賊也

後漢譚顯爲豫州刺史時天下飢饉競爲盜賊州界收捕萬餘人顯愍其困窮陷刑辟擅赦之因自劾奏有詔勿理

宋治平間司馬光知諫院上言臣聞降敕下京東西災傷州軍如人戶家貧偷盜斛斗因而盜財者與減等斷臣聞周禮荒政十有二率推寬大之恩以利于民獨于盜賊嚴急蓋飢饉之歲盜賊必多殘害良民不可不除頃見州縣官吏遇凶年有劫盜斛斗者小加寬縱則盜賊公行鄉村大擾不免廣有收捕重加刑辟今若朝廷明降敕文與減等斷放是勸民爲盜也百姓乏食當輕徭薄賦開倉賑貸以救其死不當使

之相劫奪今歲水災極多嚴刑峻法以除盜賊猶恐飢民嘯聚不可禁禦況降勅以勸之臣恐國家始于寬仁而終于酷暴意在活人而殺之更多也熙甯元年宿州民飢多盜繫囚獄上聞詔遣太常博士陳克等視宿亳等州災傷又詔河北災傷州軍劫盜罪死者減刺配廣南牢城年豐如舊蘇軾上奏曰河北京東旱蝗相仍盜賊漸多今又不雨麥不入土竊料明年盜必甚于今日謹按山東爲腹心根本之地其與中原離合常係社稷安危近年公私匱乏民不堪命冒法而爲盜則死畏法而不盜則飢雖日殺百人勢必不止陛下特于財利少有所捐衣食之門一開骨髓之恩皆遍人心不革盜賊不衰者未之有也淳熙中廬陵艱食飢民萬餘守譙門錄

事參軍謝諤亟命植五色旗分部給窮民頃刻而定時朱熹
奏狀曰聞諸州府村落有強借劫奪之患此在官司固當禁
約然亦須先示存恤之意若慢不加省待其生事然後誅鉏
則所傷已多所費又廣況其不勝何患不生乞降指揮早撥
上項錢數使如臣者得以奉承宣布徧行曉諭卽德意所孚
固以銷滅禍亂之萌矣然後明詔安撫提刑兩司察其敢有
作過唱亂之人捕致之典憲庶幾奸民知畏董煟曰荒政除盜亦當原情頃
有京尹以死囚代爲盜者沈之江最爲得法蓋凶荒辛棄疾
之年強有力者好倡亂須有以警惕之使遠近自肅
帥湖南賑濟榜用八字曰劫禾者斬閉糴者配即唐曰荒年民開閉糴固
是不仁然米價翔踊正小人射利之時而必閉之者蓋亦自
量其家口之眾多恐嗣歲之不繼耳彼有何罪而配之耶若
夫劫禾之舉此盜賊之端禍亂之萌有司遇旱災之歲必先
榜示禁其劫奪論之不從痛懲首惡以警餘眾決不可行姑

息之政非但救飢荒
乃弭禍亂之先務也

金承安二年諭宰臣今後水潦旱蝗盜賊竊發命提刑司預
爲規畫興定五年京東歲飢多盜遣御史大夫紇石烈胡失
門往撫安之牛德昌爲萬泉令屬蒲陝游飢羣盜充斥德昌
到官榜曰民苦飢寒剽掠鄉聚以偷旦夕之命
甚可憐也能自新者一不問
賊皆感激解散縣境以安

元至元八年四川行省也速帶兒言比因飢饉盜賊滋多宜
加顯戮詔羣臣議安童以爲強竊盜賊皆處死恐非所宜罪
至死者仍舊待命

明正統二年令各處有司勘流民名籍十家編爲一甲互相
保識分屬當地里長若團住山林湖澤或投託官豪勢要之
家抗拒官司不服招撫者正犯處死戶下編發邊衛知而不

首及占愆不發者罪同成化二十一年巡按山西周洪奏翼城垣曲等縣飢民嘯聚爲盜招撫不服宜發兵捕之上曰民迫飢寒朕甚憫焉令鎮守巡撫等官宣布朝廷寬宥之意明示有司撫御之方果執迷不服然後除剿神宗十六年浙直飢民多迫脅借貸事聞命巡按嚴法懲警首惡以靖地方二十二年詔以各省災傷山東河南徐淮尤甚盜賊四起有司玩愒朝廷詔令不行自今以安民弭盜爲撫按有司黜陟

論曰王者之政先惠而後威民不幸迫于飢寒而爲盜賊非其本心實然勢有所不得已耳上之人不思所以濟之而曰予將大戮汝脅之以必死之威而窮之以無生之計其不底于大亂者幾希矣漢之赤眉唐之黃巢

明之流寇孰非爲飢饉之所驅當是時有司非不欲除之惟其除之而不勝禍遂有不可勝言者焉予讀周官十二政自散利至于索鬼神其恤民之隱至矣其自修之道備矣如是而民有盜然不靖者然後按法以罪之所謂愍不畏死不待教而誅者也苟一日未至乎是猶將曲意而矜全之豈忍遽加之罰哉及觀鄭康成之說則謂亟其刑以除之是果周公之意乎夫衣食缺而禮義衰禮義衰而廉恥廢上無教養之資使民自棄而爲盜其無知也可閔其得罪也可原急之則生其不肖之心緩之則開其自新之路吾意周公于此不過嚴立條教使猾民聞風而知警懼豈必汲汲然有事于刑乎書

曰五教在寬詩曰愷弟君子民之父母由康成之說則
一桀猾吏能行之由吾之說則爲民父母者之道王者
仁人之政不外是矣